

UNOCA ta regala Aruba un concierto di artistanan local

Union di Organisacionnan Cultural Arubano (UNOCA) ta crea un encuentro cu nos artistanan local y ta sigui engrandece cultura Arubano.

Pa conmemora su di 25 aniversario, UNOCA lo regala e comunidad Arubano un concierto cu cantantenan y musiconan local dia 14 di april proximo den Cas di Cultura pa 8'or di anochi. Un total di 31 cantante manera solista, duo y trio, lo presenta 17 composicion na Papiamentu di autornan local. E cantantenan mes a scoge nan cancion y den algun caso e comision a yuda. A selecciona e cantantenan a base di un inscripcion habri sigui pa un "audition". E edad ta di 20 aña pariba. Un orkestra di 18 musico bou direccion di Carlos Bislip lo acompaña tur e cantantenan durante e anochi special den Cas di Cultura.

Durante varios luna e comision organizado a traha pa prepara e concierto, skirbi areglo musical etc. E comision ta consisti di Tica Giel, Maybelline Arends-Croes, Tino Ruiz, Carlos Bislip y

Lupita Gil. Finalmente dia 14 di april pueblo por disfruta di e concierto.

Como cu ta trata di un regalo di UNOCA pa Aruba, a dicidi pa cobra un entrada di solamente dies florin. Dus cumpra bo carchi na tempo.

Cu e concierto aki UNOCA kier yama danki na e comunidad Arubano cu a sostene durante e ultimo 25 añanan y tambe diferente instancia manera Gobierno di Aruba, representacion di Hulanda na Aruba, Fondo Desarojo Aruba y departamentonan gubernamental.

No por keda sin menciona e gran cantidad di peticionari-onan cu a acerca UNOCA pa un sosten financiero pa realiza nan proyecto cu nan a comparti cu e comunidad Arubano. Pa menciona algun tereno cultural cu a ricibi ayudo di UNOCA: baile,

